



# ტყიბულის მუნიციპალიტეტის მერის ბრძანება



N 47 1248  
10/07/2018

1248-47-4-201807100949



მაღალმთიან დასახლებაში მუდმივად მცხოვრები პირის სტატუსის მინიჭების, შეწყვეტის, შეჩერებისა და აღდგენის მიზნით სათათბირო ორგანოს - საბჭოს შექმნისა და უფლებამოსილების განსაზღვრის შესახებ

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი ნაწილის „ე“ პუნქტის „ე-ე“, „ე-ვ“ და „ე-ვ<sup>1</sup>“ ქვეპუნქტების, 61-ე მუხლის მე-3 ნაწილის „ა“ პუნქტის, „მაღალმთიანი რეგიონების განვითარების შესახებ“ საქართველოს კანონისა და „მაღალმთიან დასახლებაში მუდმივად მცხოვრები პირის სტატუსის მინიჭების, შეწყვეტის, შეჩერებისა და აღდგენის წესის დამტკიცების შესახებ“ საქართველოს მთავრობის 2015 წლის 19 ნოემბრის N591 დადგენილების მე-6 მუხლის საფუძველზე

## გ ბ რ ძ ა ნ ე ბ ა:

1. შეიქმნას მაღალმთიან დასახლებაში მუდმივად მცხოვრები პირის სტატუსის მინიჭების, შეწყვეტის, შეჩერებისა და აღდგენის მიზნით სათათბირო ორგანო - საბჭო (შემდგომში - საბჭო) შემდეგი შემადგენლობით:

ა) გიორგი ლომთაძე - ტყიბულის მუნიციპალიტეტის მერის პირველ მოადგილე, საბჭოს თავმჯდომარე;

ბ) კობა რობაქიძე - ტყიბულის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის ხელმძღვანელი, საბჭოს თავმჯდომარის მოადგილე;

გ) ნანა გვეტაძე - ტყიბულის მუნიციპალიტეტის მერიის ადმინისტრაციული სამსახურის პირველი კატეგორიის უფროსი სპეციალისტი, საბჭოს მდივანი, საბჭოს წევრი;

დ) ნელი ქარელი-კახიძე - ტყიბულის მუნიციპალიტეტის მერიის პირველადი სტრუქტურული ერთეულის ჯანმრთელობისა და სოციალური დაცვის სამსახურის ხელმძღვანელი, საბჭოს წევრი;

ე) სოფიო პეტრიაშვილი - ტყიბულის მუნიციპალიტეტის მერიის ადმინისტრაციული სამსახურის იურიდიული განყოფილების პირველი კატეგორიის უფროსი სპეციალისტი, საბჭოს წევრი;

2. დაევალოს საბჭოს მაღალმთიან დასახლებაში მუდმივად მცხოვრები პირის სტატუსის მინიჭების, შეწყვეტის, შეჩერებისა და აღდგენის მიზნით საქართველოს ზოგადი ადმინისტრაციული კოდექსის VI თავით, „მაღალმთიანი რეგიონების განვითარების შესახებ“ საქართველოს კანონისა და „მაღალმთიან დასახლებაში მუდმივად მცხოვრები

პირის სტატუსის მინიჭების, შეწყვეტის, შეჩერებისა და აღდგენის წესის დამტკიცების შესახებ“ საქართველოს მთავრობის 2015 წლის 19 ნოემბრის N591 დადგენილების შესაბამისად განახორციელოს ადმინისტრაციული წარმოების ჩატარება, საქმის წარმოებაზე ზედამხედველობა, მონიტორინგი და დადგენილ ვადებში მერისათვის რეკომენდაციების წარდგენა.

2.1. საბჭოს წევრთა საქმიანობას ხელი შეუწყოს იმ ადმინისტრაციული ერთეულის მერის წარმომადგენელმა, რომელთა სამოქმედო ტერიტორიაზე ვრცელდება „მაღალმთიანი რეგიონების განვითარების შესახებ“ საქართველოს კანონი.

3. საბჭოს საქმიანობის ხელშეწყობის მიზნით, საკითხის ორგანიზებულად განხორციელებისათვის, სისტემის გამართულად ფუნქციონირებისათვის, განცხადების დამუშავებისა და პროგრამულ სისტემაში ყველა საჭირო ინფორმაციის განთავსებისათვის განისაზღვროს მიმღებ ოპერატორთა შემადგენლობა:

ა) მარეხი მანჯავიძე - ტყიბულის მუნიციპალიტეტის მერიის ადმინისტრაციული სამსახურის საქმისწარმოებისა და ადამიანური რესურსების მართვის განყოფილების პირველი კატეგორიის უფროსი სპეციალისტი;

ბ) სოფიო მამრიკიშვილი - ტყიბულის მუნიციპალიტეტის მერიის ადმინისტრაციული სამსახურის საქმისწარმოებისა და ადამიანური რესურსების მართვის განყოფილების პირველი კატეგორიის უფროსი სპეციალისტი;

გ) ნინო ჩაგელიშვილი - ტყიბულის მუნიციპალიტეტის მერიის ადმინისტრაციული სამსახურის საორგანიზაციო განყოფილების მეორე კატეგორიის უფროსი სპეციალისტი.

4. „მაღალმთიან დასახლებაში მუდმივად მცხოვრები პირის სტატუსის მინიჭების, შეწყვეტის, შეჩერებისა და აღდგენის წესის დამტკიცების შესახებ“ საქართველოს მთავრობის 2015 წლის 19 ნოემბრის N591 დადგენილების შესაბამისად დამტკიცდეს უფლებამოსილი პირების ნუსხა:

ა) სტატუსის მინიჭებისა და აღდგენის საკითხს საბჭოს განსახილველად წარუდგენს ტყიბულის მუნიციპალიტეტის მერის მიერ უფლებამოსილი პირი (შემდგომში – უფლებამოსილი პირი):

- ნანა გვეტაძე - ტყიბულის მუნიციპალიტეტის მერიის ადმინისტრაციული სამსახურის პირველი კატეგორიის უფროსი სპეციალისტი;

- ირმა ბრეგაძე - ტყიბულის მუნიციპალიტეტის მერიის ადმინისტრაციული სამსახურის მეორე კატეგორიის უფროსი სპეციალისტი.

ბ) სტატუსის შეჩერებისა და შეწყვეტის საკითხს საბჭოს განსახილველად წარუდგენს ტყიბულის მუნიციპალიტეტის მერის მიერ უფლებამოსილი პირი (შემდგომში – უფლებამოსილი პირი):

- ელისო ჭანტურიძე - ტყიბულის მუნიციპალიტეტის მერიის ადმინისტრაციული სამსახურის საორგანიზაციო განყოფილების პირველი კატეგორიის უფროსი სპეციალისტი;

- ინგა ფარცხალაძე - ტყიბულის მუნიციპალიტეტის მერიის ადმინისტრაციული სამსახურის საორგანიზაციო განყოფილების პირველი კატეგორიის უფროსი სპეციალისტი;

გ) მაღალმთიან დასახლებაში მუდმივად მცხოვრები პირის ყოველი კალენდარული წლის განმავლობაში, მაღალმთიან დასახლებაში ჯამში 9 თვის ან 9 თვეზე მეტი ვადით ფაქტობრივად ცხოვრების მონიტორინგის (შემდგომში – მონიტორინგი) განხორციელებაზე უფლებამოსილ პირად განისაზღვროს თენგიზ თევზაძე - ტყიბულის მუნიციპალიტეტის

მერიის ადმინისტრაციული სამსახურის მეორადი სტრუქტურული ერთეულის საორგანიზაციო განყოფილების უფროსი;

გ.ა.) მონიტორინგის განხორციელებაზე უფლებამოსილი პირისათვის ინფორმაციის მოპოვების ხელმისაწვდომობას უზრუნველყოფს იმ ადმინისტრაციული ერთეულის მერის წარმომადგენელი რომლის სამოქმედო ტერიტორიაზე ვრცელდება „მაღალმთიანი რეგიონების განვითარების შესახებ“ საქართველოს კანონი.

5. საბჭოს წევრთა საქმიანობა არ ანაზღაურდება.

6. საბჭოს სხდომა უფლებამოსილია, თუ მას ესწრება საბჭოს წევრთა ნახევარზე მეტი. საბჭოს სხდომას ხელმძღვანელობს საბჭოს თავმჯდომარე, ხოლო მისი არყოფნის შემთხვევაში - საბჭოს თავმჯდომარის მოადგილე.

7. საბჭო რეკომენდაციას იღებს დამსწრე წევრთა ხმათა უბრალო უმრავლესობით. ხმების თანაბრად გაყოფის შემთხვევაში გადამწყვეტი მნიშვნელობა ენიჭება სხდომის თავმჯდომარის ხმას.

8. საბჭოს ჰყავს მდივანი, რომელიც იმავე დროს არის საბჭოს წევრი და პასუხისმგებელია საბჭოს სხდომის ოქმის შედგენაზე. საბჭოს მდივნის არყოფნის შემთხვევაში, საბჭოს სხდომის მდივნის მოვალეობას ასრულებს საბჭოს სხდომის თავმჯდომარის მიერ განსაზღვრული პირი.

9. საბჭოს სხდომის ოქმს ხელს აწერს საბჭოს სხდომაზე დამსწრე ყველა წევრი.

10. კონტროლს ბრძანების შესრულებაზე განვახორციელებ პირადად.

11. ბრძანების გასაჩივრება შესაძლებელია ქუთაისის საქალაქო სასამართლოში (მის: ქ. ქუთაისი, კუპრამის ქუჩა N11) ბრძანების გამოქვეყნებიდან ან მისი ოფიციალური წესით გაცნობის დღიდან 1 (ერთი) თვის ვადაში.

12. ბრძანება ძალაში შევიდეს ხელმოწერისთანავე.

თემურ ჩუბინიძე



მუნიციპალიტეტის მერი